

MISSÆ PROPRIÆ DICECESIS SPIRENSIS

Die 15 Martii
S. CLEMENTIS
MARIÆ HOFBAUER
CONFESSORIS

Duplex majus

Missa Justus ut palma, de Communi Conf. non Pont. 2 loco, præter Orationes sequentes:

Oratio P

Deus, qui beatum Cleméntem Mariam miro fidei róbore et invictæ constátiæ virtúte decórasti: ejus méritis et exémplis fac nos, quæsumus, ita fortes in fide et caritáte fervéntes; ut præmia consequámur ætérrna. Per Dóminum.

Et fit Commemoratio Feriæ, ac legitur ejus Evangelium in fine.

Secreta P

Ille nos, quæsumus, Dómine, de votiōnis ignis accéndat: quo beatus Clemens Maria, dum salutárem offérret hóstiam, júgiter flagravit. Per Dóminum nostrum.

Postcommunio P

Cælesti pane reféctis concéde nobis, omnípotens Deus: ut beati Cleméntis exémplo in fortitudine cibi illius usque ad montem, qui Christus est, feliciter perveniamus: Qui tecum vivit.

¶ Missæ privatae dici possunt, juxta Rubricas, etiam de Feria, cum Commemoratione S. Clementis Mariæ Hofbauer.

Die 31 Martii
B. GUIDONIS ABBATIS
Simplex

Missa Os justi, de Communi Abbatum, cum Orationibus sequentibus:

Oratio C

Intercéssio nos, quæsumus, Dómine, beati Guidonis Abbatis comméndet: ut, quod nostris méritis non valémus, ejus patrocínio assequámur. Per Dóminum.

Secreta P

Sacris altáribus, Dómine, hóstias superpósitas beatus Guido Abbas, quæsumus, in salútem nobis provenire depóscat. Per Dóminum nostrum.

Postcommunio C

Prótegat nos, Dómine, cum tui perceptione sacraménti beatus Guido Abbas, pro nobis intercedendo: ut et conversatiōnis ejus experiámur insignia, et intercessiōnis percipiámus suffrágia. Per Dóminum nostrum.

Die 21 Aprilis
S. CONRADI A PARZHAM
CONFESSORIS

Duplex

Missa Os justi, de Communi Confessoris non Pontificis 1 loco, præter Orationes sequentes:

Oratio P

Deus, qui misericordiæ tuæ jánuam fidelibus patere voluisti: te supplices exorámus; ut, intercedente beato Conrado Confessore tuo, temporalia subsidia nobis tribuas et aeterna. Per Dominum nostrum.

Et fit Commemoratio S. Anselmi Ep., Conf. et Doct.:

Oratio

Deus, qui populo tuo aeternæ salutis beatum Ansélmum ministrum tribuisti: præsta, quæsumus; ut, quem Doctorem vitae habuimus in terris, intercessorem habere mereamur in caelis. Per Dominum nostrum.

Credo, ratione Commemorationis S. Doctoris.

Secreta P

Oblationes nostras tibi, Domine, quæsumus, beati Conradi intercessio veneranda commendet: quem coram tuis altaribus precantem supernorum charismatum dulcedine recreasti. Per Dominum.

Pro S. Anselmo Secreta

Sancti Ansélmi Pontificis tui atque Doctoris nobis, Domine, pia non desit oratio: quæ et munera nostra conciliet; et tuam no-

bis indulgentiam semper obtineat. Per Dominum nostrum.

Postcommunio P

Sumpsimus, Domine, tua sancta, beati Conradi merita recolentes: præsta, quæsumus; ut ejus semper et præclaro proficiamus exemplo et fideli muniámur auxilio. Per Dominum nostrum.

Pro S. Anselmo Postcommunio

Ut nobis, Domine, tua sacrificia dent salutem: beatus Ansélmus Pontifex tuus et Doctor egregius, quæsumus, precator accedat. Per Dominum nostrum.

Die 27 Aprilis**S. PETRI CANISII CONF. ET ECCL. DOCT.****Duplex II classis**

Omnia ut in Missali hac die.

**Sabbato primo mensis Maji
IN SOLEMNITATE
B. MARIAE VIRG.
PATRONÆ BAVARIAE**

Duplex I classis

¶ Extra Tempus Paschale omituntur Alleluja ad Introitum, Offertorium et Communionem.

Introitus

GAUDEAMUS omnes in Domino, Patrocinium celebrantes gloriósæ Virginis Mariæ, de cuius solemnitaté gaudent Angeli et collaudant Filium Dei, alleluja, alleluja. **Ps. 43, 2** Deus, auribus nostris audivimus: patres nostri annuntiaverunt nobis.

V. Glória Patri.

Oratio

Deus, qui dilécti Filii tui Genitricem nobis Matrem ac Patrónam dare dignátus es: concéde propitiis; ut sub hujus Matris tutélá ab omni hóstium defendámur incúrsu, et sine timóre in sanctitáte et justitia tibi serviámus. Per eúndem Dóminum nostrum.

Léctio libri Apocalýpsis beáti Joánnis Apóstoli **12, 1, 5, 10 et 17**

Signum magnum appáruit in cælo: múlier amicta sole et luna sub pédibus ejus et in cápite ejus coróna stellárum duódecim. Et péperit filium másculum, qui recturus erat omnes gentes in virga férrea, et raptus est filius ejus ad Deum et ad thronum ejus. Et audívi vocem magnam in cælo dicéntem: Nunc facta est salus et virtus et regnum Dei nostri et potéstas Christi ejus, quia projectus est accusátor frátrum nostrórum, qui accusábat illos ante conspéctum Dei nostri die ac nocte. Et irátus est draco in mulierem et ábiit fáceré prælium cum réliquis de sémine ejus, qui custódiunt mandáta Dei et habent testimónium Jesu Christi.

Allelúja, allelúja. **V. Num. 17, 8**
Virga Jesse flóruit: Virgo Deum et hóminem génuit: pacem Deus réddidit, *in se* reconcilians ima summis.
 Allelúja. **V. Luc. 1, 28** Ave, María, grátia plena; Dóminus tecum: benedicta tu in muliéribus. Allelúja.

Extra Tempus Paschale

Graduale Cant. 6, 3 et 9 Tota formósa et suávis es, filia Sion; pulchra ut luna, élæcta ut sol, ter-

ribilis ut castrórum ácies ordináta.
V. Judith 13, 22 Benedíxit te Dóminus in virtúte sua, quia per te ad nihilum redégit inimicos nostros.

Allelúja, allelúja. **V. Luc. 1, 28** Ave, María, grátia plena; Dóminus tecum: benedicta tu in muliéribus. Allelúja.

In Missis votivis post Septuagésimam, omissis Allelúja et Versu sequenti, dicitur

Tractus Ps. 44, 11 et 12 Audi, filia, et vide, et inclína aurem tuam: quia concupívit Rex spéciem tuam.

V. Ib., 13 et 10 Vultum tuum deprecabúntur omnes dívites plebis: filiæ regum in honóre tuo. **V. Ib., 15-16** Adducéntur Regi vírgines post eam: próximæ ejus afferéntur tibi. **V.** Afferéntur in lætitia et exultatióne: adducéntur in templum Regis.

Sequéntia sancti Evangélii secundum Joánnem 2, 1-11

In illo témpore: Nuptiæ factæ sunt in Cana Galilææ: et erat Mater Jesu ibi. Vocátus est autem et Jesus, et discípuli ejus ad nuptias. Et deficiénte vino, dicit Mater Jesu ad eum: Vinum non habent. Et dicit ei Jesus: Quid mihi et tibi est, múlier? nondum venit hora mea. Dicit Mater ejus ministris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatiónen Judæórum, capiéntes singulæ metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summu. Et dicit eis Jesus: Hauríte



nunc, et ferte architriclino. Et tulérunt. Ut autem gustávit architriclinus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclinus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit initium signórum Jesus in Cana Galilææ: et manifestávit glóriam suam, et credidérunt in eum discípuli ejus. **Credo.**

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignationem suam a nobis, allelúja.

Secreta

Præsta, quæsumus, omnípotens Deus: ut, præcibus beátæ Mariæ semper Virginis, cuius Patrocínio gloriámur, fidéles tui hóstiam salutárem tibi fervéntius offerant, et consequántur efféctum. Per Dóminum nostrum.

Præfatio de B. Maria Virg. Et te in Festivitatē.

Communio Cant. 2, 3 Sub umbra illius, quem desideráveram, sedi, et fructus ejus dulcis gútturi meo, allelúja.

Postcommunio

Cælestibus pasti deliciis, te súpplices deprecámur, Dómine, Deus noster: ut, beáta María semper Virgine protégente, ab erroribus sǽculi carnisque illécebris serváti, et in fide inveniámur stábiles et in ópere efficáces. Per Dóminum.

Die 16 Maji

S. JOANNIS NEPOMUCENI
MARTYRIS
Duplex majus

Introitus **Eccli. 51, 30**

Dedit mihi Dóminus linguam mercédem meam: et in ipsa laudábo eum. (**T. P.**) Allelúja, allelúja.) **Ps. 38, 2** Dixi: Custódiam vias meas, ut non delinquam in lingua mea. **V.** Glória Patri.

Oratio

Deus, qui ob invictum beáti Joánnis sacramentálē siléntium nova Ecclésiam tuam martýrii coróna decorásti: da nobis, ejus intercessióne et exémplo, linguam caute custodire; ac ómnia pótius mala quam ánimæ detriméntum in hoc sǽculo toleráre. Per Dóminum nostrum.

Et fit Commemoratio S. Ubaldi Ep. et Conf.:

Oratio

Auxilium tuum nobis, Dómine, quæsumus, placátus impénde: et, intercessióne beáti Ubáldi Confessóris tui atque Pontificis, contra omnes diáboli nequitias déxteram super nos tuæ propitiatiónis exténde. (Per Dóminum.)

Feria II Rogationum et in Vigilia Ascensionis de ea fit Commemoratio et legitur Evangelium in fine.

Léctio libri Sapientiæ

Eccli. 21, 26-31

Stultus a fenéstra respiciet in domum: vir autem eruditus foris stabit. Stultitia hóminis auscultáre

per óstium: et prudens gravábitur contumélia. Lábia imprudéntium stulta narrábunt: verba autem prudéntium statéra ponderabúntur. In ore fatuórum cor illórum: et in corde sapiéntium os illórum. Dum maledicit ímpius diábolum, maledicit ipse ánimam suam. Susúrro coinquinábit ánimam suam, et in ómnibus odiétur: et, qui cum eo mánserit, odiósus erit: tácitus et sensátus honorábitur.

Tempore Paschali

Allelúja, allelúja. **V. Eccli. 25, 11**
Beátus, qui lingua sua non est lapsus, et qui non servívit indignis se. Allelúja. **V. Prov. 10, 31** Lingua pravórum períbit: lingua autem sapiéntium est sánitas. Allelúja.

In Missis votivis extra Temp. Pasch.

Graduale Prov. 11, 13 Qui ámbulat fraudulénter, revélat arcána: qui autem fidélis est ánnimi, celat. **V. Ps. 14, 1 et 3** Dómine, quis habitábit in tabernáculo tuo, aut quis requiéscet in monte sancto tuo? Qui non egit dolum in lingua sua: nec fecit próximo suo malum.

Allelúja, allelúja. **V. Eccli. 25, 11**
Beátus, qui lingua sua non est lapsus, et qui non servívit indignis se. Allelúja.

Post Septuagesimam, omissis Allelúja et Versu sequenti, dicitur

Tractus Jac. 1, 26; 3, 2 et 7-8 Si quis putat se religiósum esse, non refrénans linguam suam, sed sedúcens cor suum, hujus vana est religio. **V.** Si quis in verbo non offéndit, hic perféctus est vir. **V.** Omnis enim natúra bestiárum do-

mántur, et dómita sunt a natúra humána: linguam autem nullus hóminum domáre potest.

Sequentia sancti Evangélii secundum Mattháeum

Matth. 10, 26-32

In illo témpore: Dixit Jesus discípulis suis: Nihil est opértum, quod non revelábitur; et occútum, quod non sciétur. Quod dico vobis in ténebris, dícite in lúmine: et quod in aure auditis, prædicáte super tecta. Et nolite timére eos, qui occídunt corpus, ánimam autem non possunt occidere; sed pótius timéte eum, qui potest et ánimam et corpus pérdere in gehénnam. Nonne duo pásseres assevéneunt: et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére: multis passéribus meliores estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est.

Offertorium Eccli. 42, 1 Non dúplices sermónem de revelatióne sermónis abscónditi, et eris vere sine confusióne: et invénies grátiā in conspéctu ómnium hóminum. (**T. P.** Allelúja.)

Secreta

Hæc tua, Dómine, sacra mystéria illum in nobis, quæsumus, ignem accéndant: quo ínclitus Martyr et Sacérdos tuus Joánnes, ea peragéndo, flagrábat. Per Dóminum nostrum.

Pro S. Ubaldo

Sancti tui, quæsumus, Dómine, nos ubique lætificant: ut, dum eórum mérita recólimus, patrocínia sentiámus. (Per Dóminum.)

Communio Is. 6, 6-7 Volávit ad me unus de Séraphim: et in manu ejus cáculus, quem túlerat de altári, et téfigit os meum. (T. P. Allelúa.)

Postcommunio

Fragilitátem nostram, Dómine, cælestis hæc mensa fórtium pane confírmet: qui beáti Mártiris et Sacerdótis tui Joánnis tentátam contra honórem sacraménti constántiam, júgiter áluit ad victóriam. Per Dóminum.

Pro S. Ubaldo Postcommunio

Praesta, quæsumus, omnípotens Deus: ut, de percéptis munéribus grátias exhibéntes, intercedénte beáto Ubaldo Confessóre tuo atque Pontifice, beneficia potíora sumámus. (Per Dóminum.)

Die 5 Junii

S. BONIFATII EP. ET MART.

Duplex II classis

Missa Exsultábo, ut in Missali hac die.

Die 16 Junii

S. BENNONIS EP. ET CONF.

Duplex majus

Missa Státuit, de Communi Confessoris Pontificis 1 loco, præter Orationes sequentes:

Oratio

P

Deus, qui nos beáti Bennónis Pontificis confessióne gloriósa circúmdas et prótegis: da nobis

Secreta

et ejus imitatióne proficere, et intercessióne gaudére. Per Dóminum.

Secreta

P

Sanctus tuus, quæsumus, Dómine, Benno Conféssor et Pónifex nos ubique lætificet: ut, dum ejus recólimus mérita gloriósa, apud te semper ejus patrocínia sentiámus. Per Dóminum.

Postcommunio

P

Quæsumus, Dómine, salutáribus repléti mystériis: ut sancti tui Bennónis Confessóris et Pontificis, cujus sollémnia celebrámus, étiam intercessióne adjuvémur. Per Dóminum nostrum.

Die 4 Julii

S. UDALRICI EP. ET CONF.

Duplex

Missa Státuit, de Communi Confessoris Pontificis 1 loco, præter Orationem sequentem:

Oratio

P

Deus, qui cónspicis, quia ex nulla nostra virtúte subsistimus: concéde propítius; ut, intercessióne beáti Udalrici Confessóris tui atque Pontificis, contra ómnia advérsa muniámur. Per Dóminum.

Et fit Commemoratio Octavæ Ss. Petri et Pauli Apostolorum:

Oratio

Deus, qui hodiérnam diem Apostolorum tuórum Petri et Pauli martyrio consecrásti: da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

Credo, ratione Octavæ.

Secreta

C

Sancti tui, quæsumus, Dómine, nos ubique lætificant: ut, dum eórum mérita recólimus, patrocínia sentiámus. Per Dóminum.

Pro Octava Ss. Apostolorum

Secreta

Hóstias, Dómine, quas nómini tuo sacrándas offérimus, apostólica prosequátur orátió: per quam nos expiári tribuas et défendi. Per Dóminum nostrum.

Præfatio de Octava.

Postcommunio

C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Udalrico Confessóre tuo atque Pontifice, benefícia potióra sumámus. Per Dóminum nostrum.

Pro Octava Ss. Apostolorum

Postcommunio

Quos cælesti, Dómine, aliménto satiásti: apostólicis intercessiónibus ab omni adversitaté custodi. Per Dóminum nostrum.

Die 20 Julii

**S. MARGARITÆ
VIRG. ET MART.**

Duplex

Missa Me exspectavérunt, de Communi Virginum 2 loco.

Et fit Com. S. Hieronymi Æmiliani Conf., ut in Missali hac die.

¶ Missæ privatæ dici possunt, juxta Rubricas, etiam de S. Hieronymo Æmiliano Conf., ut in Missali hac die, cum Commemoratione S. Margaritæ.

Die 2 Augusti

S. STEPHANI I

PAPÆ ET MART.,

PATRONI SECUNDARII

ECCLESIÆ CATHEDRALIS

Duplex

(in Cathedrali Duplex II classis)

Missa Si diligis me, ut in Communi unius vel plurium Summorum Pontificum.

Et fit Commemoratio S. Alfonsi de Ligorio Ep., Conf. et Eccl. Doct., ut in Missali hac die. Et dicitur Credo, ratione Commemorationis.

¶ Extra Eccl. Cathedralem Missæ privatæ dici possunt, juxta Rubricas, etiam de S. Alfonso Ligorio, ut in Missali hac die, cum Commemoratione S. Stephani.

Die 8 Augusti

B. PETRI FABER

CONFESSORIS

Semiduplex

Missa Justus, de Communi Confessoris non Pontificis 2 loco, præter Orationem sequentem:

Oratio

P

Adésto, Dómine, supplicationibus nostris: et, qui in beáto Petro Confessóre tuo assíduum oratiónis stúdium et indeféssum animárum zelum sociáre voluisti, ejus méritis et intercessióne concéde; ut, tibi júgiter ex ánimo adhæréntes, próximos nostros ópere et veritaté diligere et juváre valeámus. Per Dóminum nostrum Jesum Christum, Filium tuum: Qui tecum vivit et regnat.



**Et fit Commemoratio Ss. Cyriaci,
Largi et Smaragdi Martyrum:**

Oratio

Deus, qui nos ánnua sanctórum Mártyrum tuórum Cyriaci, Largi et Smarágdi sollemnitáte lætificas: concéde propitius; ut, quorum natalicia cólimus, virtútem quoque passiónis imitémur. Per Dóminum nostrum.

J Si hodie fuerit Sabbatum, in Missis non conventionalibus fit Commemoratio Vigiliæ anticipatæ S. Laurentii, ut in Missa diei sequentis, et legitur Evangelium Vigiliæ in fine.

Secreta

C

Præsta nobis, quæsumus, omnípotens Deus: ut nostræ humilitatis oblátio et pro tuórum tibi grata sit honóre Sanctórum, et nos cónpore páriter et mente purifícet. Per Dóminum nostrum.

Pro Ss. Martyribus Secreta

Accépta sit in conspéctu tuo, Dómine, nostra devótio: et eórum nobis fiat supplicatióne salutáris, pro quorum sollemnitáte defértur. Per Dóminum.

Postcommunio

C

Quæsumus, omnípotens Deus: ut, qui cælestia aliménta percépimus, intercedénte beáto Petro Confessóre tuo, per hæc contra ómnia advérsa muniámur. Per Dóminum nostrum.

Pro Ss. Martyribus Postcommunio

Refécti participatióne múnéris sacri, quæsumus, Dómine, Deus noster: ut, cuius exséquimur

cultum, intercedéntibus sanctis Martýribus tuis Cyriaco, Largo et Smarágdo, sentiámus effectum. Per Dóminum nostrum.

Die 15 Augusti

IN ASSUMPTIONE

B. MARIÆ VIRG.

TITULARIS ECCL. CATHEDRALIS AC PATRONÆ
PRINCIP. DICECESIS

Duplex I cl. cum Octava communi
Missa Gaudeámus, ut in Missali
hac die.

Die 16 Augusti

S. ROCHI CONFESSORIS

Commemoratio

(in Missis privatis tantum)

Oratio

P

Pópulum tuum, quæsumus, Dómine, continua pietáte custodi: et, beáti Rochi suffragántibus méritis, ab omni fac ánimæ et cónpore contagiónē secúrum. Per Dóminum nostrum.

Secreta

C

Præsta nobis, quæsumus, omnípotens Deus: ut nostræ humilitatis oblátio, et pro tuórum tibi grata sit honóre Sanctórum, et nos cónpore páriter et mente purifícet. Per Dóminum nostrum.

Postcommunio

C

Quæsumus, omnípotens Deus: ut, qui cælestia aliménta percépimus, intercedénte beáto Rocho Confessóre tuo, per hæc contra ómnia advérsa muniámur. Per Dóminum nostrum.



JSicubi de S. Rochō Conf. Missa dicenda sit integra, sumatur Missa Justus ut palma, de Communi Conf. non Pont. 2 loco, cum Orat. utsupra.

Die 20 Augusti
S. BERNARDI
CONF. ET ECCL. DOCT.

Duplex

In Eccl. Cathedrali:

Duplex majus

Missa In medio, ut in Missali hac die.

Die 9 Septembris
IN DEDICATIONE
ECCLESIÆ CATHEDRALIS
Duplex I cl. cum Octava communi
(Affixa ex indulto S. Congr. Rit.,
de die 1 Julii 1921, diei nonæ Sep-
tembris, facta potestate sollemni-
tatem externam cum unica respon-
denti Missa cantata vel lecta trans-
ferendi in Dominicam Festum pro-
xime insequentem ab aliquo Festo
duplici primæ classis non impe-
ditam.)

Missa Terribilis, de Communi De-
dicationis Ecclesiæ. (Extra Cathe-
dralem in Secreta omittitur paren-
thesis.)

J Infra Octavam de ea fit Com-
memoratio ac dicitur Credo, juxta Ru-
bricas.

Die 10 Septembris
S. THEODARDI
EPISCOPI ET MARTYRIS

Duplex

Missa Sacerdotes Dei, de Com-
muni unius Martyris 2 loco.

Oratio

C

Deus, qui nos beati Theodárdi Mártyris tui atque Pontificis ánnua sollemnité létificas: con- cédé propitius; ut, cuius natalicia cólimus, de ejúsdem étiam protec- tióne gaudeámus. Per Dóminum.

Et fit Commemoratio S. Nicolai de Tolentino Conf.:

Oratio

Adésto, Dómine, supplicationibus nostris, quas in beati Nicolái Confessóris tui sollemnité deféri- mus: ut, qui nostræ justitiæ fidúciam non habémus, ejus, qui tibi plácuit, précibus adjuvémur. (Per Dñm.)

Deinde Commemoratio Octavæ Dedicationis Ecclesiæ Cathedralis:

Oratio

Deus, qui nobis per singulos annos hujus sancti templi tui consecrationis réparas diem, et sa- cris semper mystériis repræsentas incólumes: exaudi preces populi tui, et præsta; ut, quisquis hoc tem- plum beneficia petiturus ingréditur, cuncta se impetrásse létetur. Per Dóminum nostrum.

Secreta

C

Mínera tibi, Dómine, dicáta sanctifica: et, intercedénte beato Theodárdo Mártyre tuo atque Pontifice, per éadem nos plácatus inténde. Per Dóminum.

Pro S. Nicolao

Secreta

Præsta nobis, quæsumus, omni- potens Deus: ut nostræ hu- militatis oblátio, et pro tuorum tibi grata sit honore Sanctórum, et nos còrpore páriter et mente purifícet. (Per Dóminum.)



1 In Ecclesia Cathedrali

Pro Octava Secreta

Annue, quæsumus, Dómine, pré-
cibus nostris: ut, quicumque
intra templi hujus, cuius anniver-
sarium dedicationis diem celebrá-
mus, ábitum continémur, plena
tibi atque perfecta cörperis et áni-
mæ devotione placeámus; ut, dum
hæc vota præsentia reddimus, ad
æterna præmia, te adjuvante, per-
venire mereámur. Per Dóminum.

2 Extra Ecclesiam Cathedralem Secreta

Annue, quássumus, Dómine, pré-
cibus nostris: ut, dum hæc
vota præsentia réddimus, ad ætér-
na præmia, te adjuvánte, pervenire
mereámur. Per Dóminum.

Postcommunio

Hæc nos communio, Domine,
purget a crímine: et, inter-
cedente beato Theodárdo Mártyre
tuo atque Pontifice, cælestis remé-
dii fáciat esse consórtes. Per Dó-
minum nostrum.

Pro S. Nicolao Postcommunio

Quæsumus, omnipotens Deus:
ut, qui cælestia aliménta per-
cépimus, intercedénte beáto Nico-
lao Confessóre tuo, per hæc contra
omnia advérsa muniámur. (Per Dó-
minum nostrum.)

Pro Octava

Postcommunio

Deus, qui de vivis et electis lapi-
dibus æternum majestati tuæ
præparas habitaculum: auxiliare
pópulo tuo supplicanti; ut, quod Ec-
clesiæ tuæ corporalibus próficit
spatiis, spirituálibus amplificétur
augmémentis. Per Dóminum.

Die 16 Septembris

**IN OCTAVA DEDICATIONIS
ECCLESIAE CATHEDRALIS**

Duplex majus

Missa Terribilis, de Communi De-dicationis Ecclesiae.

**Et fit Commemoratio Ss. Cornelii
Papæ et Cypriani Ep., Mm., ac Ss.
Euphemiæ et Soc. Mm., ut in Mis-
sali hac die.**

J Missæ privatæ dici possunt, juxta Rubricas, etiam de Ss. Cornelio Papa et Cypriano Ep., Mm., ut in Missali hac die, cum Commemoratione diei Octavæ Dedicationis Ecclesiæ Cathedralis ac Ss. Euphemiaæ, Luciæ et Geminiani Mm., et dicitur Credo.

Die 17 Septembris

S. HILDEGARDIS VIRGINIS


Duplex

Introitus Ps. 72, 28

MIHI autem adhærére Deo
bonum est, pónere in Dó-
mino spem meam: ut an-
núntiem omnes prædicátiōnes tuas
in portis filiæ Sion. **Ps. 40, 13** Me
autem propter innocéntiam susce-
pisti: et confirmásti me in conspéc-
tu tuo in ætérnum. **V.** Glória Patri.

Oratio

Deus, qui beatam Hildegardem
Virginem tuam donis cælē-
stibus decorasti: tribue, quæsu-
mus; ut, ejus vestigiis et documēn-
tis insistentes, a præsentis sæculi
caligine ad lucem tuam delectábi-
lem transire mereámur. Per Dó-
minum nostrum.



Et fit Com. Impressionis Ss. Stigmatum S. Francisci Conf.:

Oratio

Dómine Jesu Christe, qui, frigescénte mundo, ad inflammandum corda nostra tui amóris igne, in carne beatissimi Francisci passiónis tuæ sacra Stigmata renovásti: concéde propitius; ut ejus méritis et précibus crucem júgiter ferámus, et dignos fructus pœnitentiæ faciámus: Qui vivis.

Léctio Epistolæ beati Pauli Apóstoli ad Corinthios

1 Cor. 1, 26-29

Vidéte vocatiónem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi élégit Deus, ut confundat sapiéntes: et infírmam mundi élégit Deus, ut confundat fórtia: et ignobilia mundi et contemptibilia élégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus.

Graduale Cantic. 3, 4 et 6, 2 Invení quem diligit áнима mea: tenui eum, nec dimittam. **V.** Ego dilécto meo, et diléctus meus mihi, qui páscitur inter lilia.

Alleluja, alleluja. **V. Isai. 61, 10**
Exsultábit áнима *mea in Deo* meo,
quia induit me vestiméntis salútis,
quasi sponsam ornátam monílibus suis. Alleluja.

In Missis votivis post Septuagimam, omissis Alleluja et Versu sequenti, dicitur

Tractus Sap. 4, 1-3 O quam pulchra est casta generatio cum claritate: immortális est enim memória illius, quóniam et apud Deum nota est, et apud hómines. **V.** Cum præsens est, imitántur illam, et desiderant eam, cum se edúixerit. **V.** Et in perpétuum coronáta triúmphat, in coinquinatórum certáminum præmia vincens.

Tempore Paschali omittitur Graduale, et ejus loco dicitur:

Alleluja, alleluja. **V. Ps. 30, 22**
Benedictus Dóminus: quóniam misericávit misericórdiam suam mihi in civitáte munita. Alleluja. **V. Prov. 4, 9** Lætare, mater nostra, quia dabit Dóminus cápti tuo augmēnta gratiárum, et coróna inclyta protéget te. Alleluja.

+ Sequéntia sancti Evangélii secundum Matthæum

Matth. 25, 1-13

In illo tempore: Dixit Jesus discípulis suis parábolam hanc: Simile erit regnum cælórum decem virginibus: quæ, accipiéntes lámpades suas, exiérunt óbviam sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádi bus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exite óbviam ei. Tunc surrexérunt omnes virgines illæ, et ornavérunt lámpades suas. Fátuæ autem sapi-



éntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuia. Novíssime vero véniant et réliquæ vírgines, dicéntes: Dómine, Dómine, áperi nobis. At ille respónsens, ait: Amen, dico vobis, néscio vos. Vigiláte itaque, quia nescítis diem neque horam.

Offertorium Ps. 41, 2 et 3 Quemádmodum desiderat cervus ad fontes aquárum, ita desiderat ánima mea ad te, Deus. Sitívit ánima mea ad Deum fortém vivum.

Secreta

Sanctæ Hildegárdis Vírginis tuæ festa recoléntes, preces offérimus et hóstias immolámus: præsta, quæsumus, Dómine; ut, cum præsidio temporáli, vitæ nobis præbeant increménta perpétuæ. Per Dóminum nostrum.

Pro Impressione Ss. Stigmatum S. Francisci Secreta

Múnera tibi, Dómine, dicáta sanctifica: ^{et intercede} omni nos cul-beáto ^{Francesco} purifica. Per Dóminum nostrum.

Communio Philipp. 1, 20 et 21
Magnificábitur Christus in cōpore meo, sive per vitam, sive per mortem: mihi enim vivere Christus est, et mori lucrum.

Postcommunio

Perpétuo, Dómine, favóre proséquere, quos réficiis divino mystério: et quos imbuisti cælestibus institútis; eósdem, intercedénte beáta Hildegárde Virgine tua, salutáribus comitáre solátiis. Per Dóminum nostrum.

Pro Impressione Ss. Stigmatum S. Francisci Postcommunio

Deus, qui mira Crucis mystéria in beáto Francisco Confessóre tuo multifórmiter demonstrásti: da nobis, quæsumus; devotíonis suæ semper exémpla sectári, et assídua ejúsdem Crucis meditatióne muníri. Per Dóminum nostrum.

Die 1 Octobris

S. OTTONIS EP. ET CONF.

Duplex

Introitus Eccli 45, 30

Státuit ei Dóminus testaméntum pacis, et principem fecit eum: ut sit illi sacerdóti dig-nitas in æténum. **Ps. 131, 1** Mé-ménto, Dómine, David: et omnis mansuetudinis ejus. **¶ Glória Patri.**

Oratio

Da, quæsumus, omnipotens Deus: ut beáti Ottónis Confessóris tui atque Pontificis venerán-da sollémnitas, et devotionem nobis áugeat et salútem. Per Dóminum nostrum.

Et fit Com. S. Remigii Ep. et Conf.: Oratio

Exaudi, quæsumus, Dómine, pre-ces nostras, quas in beáti Remigii Confessóris tui atque Ponti-



ficis sollemnitate deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum nostrum Jesum Christum, Filium tuum: Qui tecum vivit et regnat in unitate Spiritus Sancti Deus: per ómnia sæcula sæculórum.

Léctio libri Sapiéntiæ

Ecli. 44, 16-27; 45, 3-20

Ecce sacérdos magnus, qui in diébus suis plácuit Deo, et invéntus est justus: et in tempore iracundiæ factus est reconciliatio. Non est invéntus similis illi, qui conservávit legem Excélsi. Ideo jurejurando fecit illum Dóminus créscere in plebem suam. Benedictiōnem ómnium géntium dedit illi, et testaméntum suum confir-mávit super caput ejus. Agnóvit eum in benedictiōnibus suis: conservávit illi misericórdiam suam: et invénit gratiā coram oculis Dómini. Magnificávit eum in conspéctu regum: et dedit illi corónam gloriæ. Státuit illi testaméntum ætérnum, et dedit illi sacerdótium magnum: et beatificávit illum in gloria. Fungi sacerdótio, et habére laudem in nōmine ipsius, et offérre illi incénsūm dignum in odórem suavitatis.

Graduale Ecli. 44, 16 Ecce sacérdos magnus, qui in diébus suis plácuit Deo. **V. Ibid., 20** Non est invéntus similis illi, qui conserváret legem Excélsi.

Alleluja, alleluja. **V. Ps. 109, 4** Tu es sacérdos in ætérnum, secúndum ordinem Melchisedech. Alleluja.

X Sequéntia sancti Evangélii se-cúndum Lucam

Luc. 11, 33-36

In illo tempore: Dixit Jesus discipulis suis: Nemo lucérnam accéndit, et in abscondito ponit, neque sub módio: sed supra candelábrum, ut, qui ingrediuntur, lumen videant. Lucérna corporis tui est óculus tuus. Si óculus tuus fúerit simplex, totum corpus tuum lúcidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens aliquam partem tenebrarum, erit lúcidum totum, et sicut lucérna fulgóris illuminabit te.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliabitur ei, et bráchium meum confortabit eum.

Secreta

Sancti tui, quæsumus, Dómine, nos ubique lætificant: ut, dum eórum mérita recólimus, patrocínia sentiámus. Per Dóminum.

Pro S. Remigio

Secreta

Sancti Remigii Confessóris tui atque Pontificis, quæsumus, Dómine, ánnua sollémnitas pietati tuæ nos reddat accéptos: ut, per hæc piæ placatiōnis officia, et illum beáta retribútiō comítetur, et nobis gratiæ tuæ dona conciliet. Per Dóminum.

Communio Luc. 12, 42 Fidélis ser-vus et prudens, quem constituit dóminus super familiam suam: ut det illis in tempore tritici mensúram.



Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercéde nte beáto Ottóne Confessóre tuo atque Pontifice, beneficia potióra sumámus. Per Dóminum.

Pro S. Remigio Postcommunio

Deus, fidélium remunerátor ani mánorum: præsta; ut beáti Remigii Confessóris tui atque Pontificis, cuius venerándam celebrámus festivitátem, précibus indulgentiam consequámur. Per Dóminum.

Die 3 Novembris

S. PIRMINII EP. ET CONF.

Duplex

Missa Státuit, de Communi Conf. Pont. 1 loco, præter Orationem sequentem:

Oratio

P

Deus, qui hodiernam diem nobis in beáti Pirminii Confessóris tui atque Pontificis festivitáte consecrásti: adéstō propitius Ecclesiæ tuae précibus et præsta; ut, cuius gloriámur méritis, ejus intercessiónibus indulgentiam et remissionem peccatórum cónsequi mereámur. Per Dóminum.

Et fit Commemoratio Octave Omnium Sanctorum:

Oratio

Omnipotens sempiterne Deus, qui nos omnium Sanctórum mérita sub una tribuisti celebritáte venerári: quæsumus; ut

desiderátam nobis tuæ propitiatiónis abundántiam, multiplicátis intercessóribus, largiáris. Per Dóminum nostrum.

Credo, ratione Octavæ.**Secreta**

C

Sancti tui, quæsumus, Dómine, nos ubique lætificant: ut, dum eórum mérita recólimus, patroci nia sentiámus. Per Dóminum.

Pro Octava Omnium Sanctorum Secreta

Múnera tibi, Dómine, nostræ de votiónis offérimus: quæ et pro cunctórum tibi grata sint honore Justórum, et nobis salutária, te miseránte, reddántur. Per Dóminum nostrum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercéde nte beáto Pirminio Confessóre tuo atque Pontifice, beneficia potióra sumámus. Per Dóminum.

Pro Octava Omnium Sanctorum Postcommunio

Da, quæsumus, Dómine, fidéli bus populis omnium Sanctórum semper veneratióne lætári: et eórum perpétua supplicatióne muníri. Per Dóminum nostrum.

Die 19 Novembris

S. ELISABETH VIDUÆ

Duplex majus

Missa Cognóvi, ut in Missali hac die. Et fit Commemoratio S. Pon tiani Mart.



Index alphabeticus

Bennonis Ep. et Conf., duplex majus 16 Junii
 Bernardi Conf. et Eccl. Doct., duplex majus
 20 Augusti
 Bonifatii Ep. et Mart., duplex II classis 5 Junii
 Clementis Mariæ Hofbauer Conf., duplex majus
 15 Martii
 Conradi a Parzham Conf., duplex 21 Aprilis
 Dedicatio Ecclesiæ Cathedralis, duplex I classis
 cum Octava communi 9 Septembris
 — Octava, duplex majus 16 Septembris
 Elisabeth Viduæ, duplex majus 19 Novembris
 Guidonis Abbatis, simplex 31 Martii
 Hildegardis Virginis, duplex 17 Septembris
 Joannis Nepomuceni Mart., duplex majus
 16 Maji

pag.		pag.
6*	Margaritæ Virg. et Mart., duplex 20 Julii	7*
9*	Mariæ B. V. Patronæ Bavariæ, duplex I classis Sabbato primo mensis Maji	2*
6*	— — Assumptio, duplex I classis cum Octava communi 15 Augusti	8*
1*	Ottonis Ep. et Conf., duplex 1 Octobris	12*
2*	Petri Canisii Conf. et Eccl. Doct., duplex II cl. 27 Aprilis	2*
9*	Petri Faber Conf., semiduplex 8 Augusti	7*
10*	Pirminii Ep. et Conf., duplex 3 Novembris	14*
14*	Rochi Conf., Commemoratio 16 Augusti	8*
1*	Stephani I Papæ et Mart., duplex 2 Augusti	7*
10*	Theodardi Ep. et Mart., duplex 10 Septembris	9*
4*	Udalrici Ep. et Conf., duplex 4 Julii	6*